

U skladu sa članom 17. Zakona o igrama na sreću ("Službene novine Federacije BiH", broj 48/15, 60/15), članom 7. Pravilnika o sadržaju pravila, uslovima i načinu priređivanja nagradnih igara ("Službene novine Federacije BiH", broj: 30/16, 63/19, 82/20), te na osnovu člana 14. Statuta društva „Mercator BH" d.o.o. Sarajevo, Uprava Društva donosi:

## **PRAVILA NAGRADNE IGRE „MOJI BRENDOVI – NAŠE VRIJEDNOSTI“**

### **1. PRIREĐIVAČ**

Priređivač nagradne igre je Mercator BH d.o.o. Sarajevo, sa sjedištem u Blažuj bb, 71210 Ilidža, poreski broj: 200841110009, identifikacioni broj: 4200841110009, registarski broj: 65-01-0542-10 (stari broj I-24260).

### **2. TRAJANJE I SVRHA PRIREĐIVANJA NAGRADNE IGRE**

- 1) Nagradna igra traje u periodu od 10.06.2022.g. do 31.07.2022.g., a priređuje se u prodavnicama priređivača kompanije Mercator BH d.o.o i suorganizatora kompanije Konzum d.o.o u svrhu nagrađivanja kupaca za lojalnost i promocije domaćih i regionalnih brendova i proizvoda u sklopu kampanje „MOJI BRENDOVI – NAŠE VRIJEDNOSTI“.
- 2) Priređivač će nakon odobrenja Federalnog ministarstva finansija, a prije početka nagradne igre, objaviti pravila nagradne igre najmanje u jednim dnevnim novinama dostupnim na teritoriji Federacije Bosne i Hercegovine, uz obavezno navođenje broja i datuma odobrenja.
- 3) Za vrijeme trajanja nagradne igre, pravila su dostupna na [www.mercator.ba](http://www.mercator.ba) i [www.konzum.co.ba](http://www.konzum.co.ba).

### **3. NAZIV NAGRADNE IGRE**

Naziv nagradne igre je „MOJI BRENDOVI – NAŠE VRIJEDNOSTI“

### **4. NAČIN IZVLAČENJA DOBITNIKA NAGRADA**

- 1) Nagrade će se izvlačiti parcijalno po vrijednosnoj ljestvici od najniže do najviše vrijednosti u 4 odvojena kruga izvlačenja koji će se realizovati prema sljedećem rasporedu:
  1. 22.06.2022.g. – izvlačenje dobitnika 7 x poklon vaučer u iznosu 100 KM za kupovinu u Mercatoru ili Konzumu
  2. 06.07.2022.g. - izvlačenje dobitnika 7 x poklon vaučer u iznosu 200 KM za kupovinu u Mercatoru ili Konzumu
  3. 20.07.2022.g. - izvlačenje dobitnika 7 x poklon vaučer u iznosu 300 KM za kupovinu u Mercatoru ili Konzumu
  4. 08.08.2022.g. - izvlačenje dobitnika 7 x PUTOVANJE ZA DVOJE U DUBAI 7 DANA.
- 2) Izvlačenje prva 3 vala će biti organizovano u prostorijama Upravne zgrade Konzuma, Rajlovačka bb u Sarajevu u prisustvu tročlane komisije, sa početkom u 12,00 sati. Finalno izvlačenje dobitnika nagrada putovanja u Dubai će se održati 08.08.2022. u Mercator centru Ložionička, Sarajevo, u 12,00 sati.
- 3) Za svaku nagradu izvlači se i po jedan zamjenski dobitnik, koji se smatra dobitnikom u slučaju da prvobitno izvučeni dobitnik ne ispunjava uslove za dodjelu nagrade.
- 4) Svi učesnici koji su poslali SMS poruku, a nisu izvučeni u nekom od prethodnih krugova izvlačenja, ostaju učesnici nagradne igre sve do njenog završetka.

- 5) U roku od 2 radna dana od dana svakog kruga izvlačenja dobitnika nagrada, ovlaštena osoba Organizatora će pregledati ispravnost broja računa. Izvlačenje će biti automatsko, putem kompjuterskog programa posebno dizajniranog za tu svrhu.
- 6) Nagradno izvlačenje će biti nadgledano od strane tročlane komisije, koja će o tome sačiniti odgovarajući zapisnik.

## 5. FOND NAGRADA

Nagradni fond ima 28 nagrada, čija ukupna vrijednost iznosi 25.200,00 KM sa uračunatim PDV-om.

## 6. POJEDINAČNA TRŽIŠNA VRIJEDNOST NAGRADA

Pojedinačna tržišna vrijednost nagrada iznosi:

NAGRADE		Pojedinačna vrijednost nagrade sa PDV (KM)	Količina (kom)	UKUPNA VRIJEDNOST sa PDV (KM)
1.	PUTOVANJE ZA DVOJE U DUBAI 7 DANA, što podrazumijeva: <ul style="list-style-type: none"> <li>• Avio karte sa uključenim aerodromskim taksama</li> <li>• Smještaj u hotelu sa 4 zvjezdice, sa uključenim doručkom</li> <li>• Prevoz aerodrom-hotel-aerodrom,</li> <li>• Vizu za UAE,</li> <li>• Aranžman se može iskoristiti do 30.11.2022.</li> </ul>	3.000,00	7	21.000,00
2.	Poklon kupovina u iznosu 100 KM	100,00	7	700,00
3.	Poklon kupovina u iznosu 200 KM	200,00	7	1.400,00
4.	Poklon kupovina u iznosu 300 KM	300,00	7	2.100,00
Ukupno:				25.200,00

## 7. USLOVI UČESTVOVANJA U NAGRADNOJ IGRI

- 1) Pravo učešća u nagradnoj igri imaju kupci sa prijavljenim prebivalištem u BiH, koji izvrše kupovinu u poslovnim jedinicama Priređivača ili suorganizatora Konzum d.o.o. na području Federacije Bosne i Hercegovine i koji su prilikom te kupovine kupili najmanje jedan artikal koji je na polici i u katalogu obilježen oznakom „Moji brendovi“, te na odnosnom računu imaju dokaz o kupovini tako označenog artikla.
- 2) Učestvovanje u nagradnoj igri vrši se slanjem SMS-a, koji sadrži sigurnosni kod sa dna fiskalnog računa i svoje lične podatke (ime i prezime, grad stanovanja), na broj 091 212 414 (odobren od Regulatorne agencije za komunikacije za SMS usluge sa dodanom vrijednošću). Period kupovine odnosno datum koji je naveden na računu i period slanja SMS poruke trebaju biti podudarni, u suprotnom SMS poruke neće biti obuhvaćene izvlačenjem nagrada.
- 3) Jedan SMS može da sadrži samo jedan numerički kod (broj prodavnice i broj računa), odnosno ti kodovi se mogu samo jednom poslati putem SMS-a. SMS poruku mogu da šalju korisnici usluga M:tel, BH Telecom, Eronet.
- 4) Učesnici mogu u nagradnoj igri učestovati neograničen broj puta, sa svakim poslanim novim ispravnim jedinstvenim numeričkim kodovima u toku trajanja nagradne igre, pod uslovom da su svi kodovi poslani u skladu sa ovim Pravilima, s tim da svaki učesnik može dobiti samo jednu nagradu u finalnom izvlačenju.
- 5) Učesnici su dužni sačuvati račune za odnosne kupovine, te ih predložiti Priređivaču ukoliko njihov SMS bude izvučen u nagradnom izvlačenju.
- 6) Učestvovanjem u nagradnoj igri učesnici će omogućiti Priređivaču prikupljanje, obradu i evidenciju ličnih podataka koji se prenose u skladu sa Zakonom o zaštiti ličnih podataka.
- 7) Prikupljeni lični podaci koriste se za evidenciju Priređivača. Priređivač može koristiti lične podatke samo u svrhe za koje su prikupljeni.
- 8) U nagradnoj igri ne mogu učestvovati radnici Priređivača, suorganizatora niti članovi njihovih užih porodica odnosno domaćinstva.
- 9) Učestvovanjem u nagradnoj igri učesnici prihvataju ova Pravila.

## **8. NAČIN OBJAVLJIVANJA DOBITNIKA NAGRADA**

- 1) Rezultati nagradne igre i imena dobitnika nagrada biće objavljeni na web stranici [www.mercator.ba](http://www.mercator.ba) i [www.konzum.co.ba](http://www.konzum.co.ba), u roku od 7 dana od nagradnog izvlačenja.
- 2) Učestvovanjem u ovoj nagradnoj igri učesnici su saglasni da se, ako postanu dobitnici neke od nagrada, njihovo ime, adresa i slika mogu od strane Priređivača mogu objaviti i koristiti bez naknade u štampanom, slikovnom, audio i video materijalu.
- 3) Sva dokumentacija koja se odnosi na organizaciju i provođenje nagradne igre, kao i ova Pravila, čuvaju se u prostorijama Priređivača dvije godine. Nakon isteka navedenog roka, Priređivač može uništiti dokumentaciju u skladu s internim aktima.

## **9. MJESTO I ROK ZA PODIZANJE NAGRADA**

- 1) Nagrade se preuzimaju uz predočenje lične karte.
- 2) Dobitnici svoje nagrade mogu preuzeti od Priređivača u roku od 30 dana od datuma obavještenja. Ukoliko dobitnik ne preuzme nagradu u navedenom roku, Priređivač će postupiti shodno odredbama Pravilnika o sadržaju pravila, uslovima i načinu priređivanja nagradnih igara.
- 3) Ukoliko je dobitnik maloljetnik, nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.
- 4) Prilikom preuzimanja nagrade dobitnik je obavezan potpisati izjavu o preuzimanju nagrade. Potpisivanjem izjave ili istekom roka za preuzimanje nagrade, prestaju sve obaveze i odgovornosti Priređivača prema dobitniku.
- 5) Ukoliko bude dodatnih specifičnih pojedinosti u vezi sa dodjelom nagrade, odnosno pitanje može biti naknadno dogovoreno između dobitnika i Priređivača.
- 6) Priređivač ne preuzima odgovornost za eventualnu štetu nastalu u vezi sa učešćem u nagradnoj igri odnosno preuzimanjem i korištenjem nagrada.
- 7) Nagrade se ne mogu zamijeniti ili isplatiti u gotovini. Dobitnik nema pravo zahtijevati drugačiju nagradu ili nagradu koja prelazi iznos naveden u ovim Pravilima.
- 8) Prema članu 23. stav 2. Zakona o porezu na dohodak FBiH, porez po osnovu dohotka od nagradnih igara snosi dobitnik nagrade. Prilikom preuzimanja nagrada u slučaju da vrijednost nagrade podliježe obavezi plaćanja poreza, dobitnik je dužan dostaviti Priređivaču potvrdu o plaćenom porezu što je preduslov za dobivanje nagrada.

## **10. NADLEŽNOST SUDA**

Svi eventualni sporovi između Priređivača i učesnika odnosno dobitnika rješavaće se sporazumno, a ako se u tome ne uspije, nadležan je Općinski sud u Sarajevu.

## **11. SASTAV KOMISIJE ZA IZVLAČENJA NAGRADA**

Tročlanu komisiju za izvlačenje nagrada Priređivač će imenovati posebnom odlukom.

## **12. CIJENA SLANJA SMS PORUKE**

Cijena jedne SMS poruke iznosi 0,20 KM + PDV. SMS poruke se ne mogu slati sa fiksnih telefona.

## **13. USLOVI POD KOJIM SE NAGRADNA IGRA MOŽE PREKINUTI**

Nagradna igra se može prekinuti u slučaju više sile ili u slučaju koji ne zavisi od volje Priređivača, a prekid nagradne igre se objavljuje u istim dnevnim novinama u kojima je nagradna igra objavljena.

Direktor Društva –  
Predsjednik Uprave

Izvršna direktorica

\_\_\_\_\_  
Nihad Imširović

\_\_\_\_\_  
Nedeljka Bilić